

2 Jon

Jon Minj Namb Ak Tikak

Minim Nind Niņep

Jon minj namb tikak biy biyn amyongon angak minim ak, biynimb kuņaynep niņiy apay, ak biynimb Krays ker mindpay gok sek, bi kuyip kond mindpay gok sek angip angiy niņbay.

Minim Ar Keykey Mindip Rek:

Minim nind angak ak mindip, 1-3.

Biynimb wasemb ayep minim ak mindip, 4-6.

Gor minim aspun angiy minim yesek angningiy gok ma dinimimb angak minim ak mindip, 7-11.

Minim ang jiwak minim day won ak mindip, 12-13.

¹⁻²Yand biyomb, biynimb Gor ker mindpay gok kuyip kond mindpiyn. Nimbip amyongon Gor dingingayn angiy niņiy dek, wasemb aypiyn gok minj tiksipiyn. Pen yand nep mer; biynimb minim niņind niņbay gok mangiysek nimbip wasemb aypay. Yenen: minim niņind yimb niņbun kun ak, pernep niņmindeningambun. ³Nop Gor yip, Niņuk yip chinup simb niņiy kond mindrikniņ, gosimb niņind yimb niņbun kun ak niņiy, penpen wasemb aymindiy, mindrep giningambun.

Biynimb Wasemb Ayep Miņ Ar Ak Kindik Ginjun

⁴Nimb gunap Bapiy Gor angip rek gipim ak niņen, yip tep yimb gip. ⁵⁻⁶Pen miņiy penpen wasemb ayiņg mindonjun angiy, nimbip minj tiksipiyn. Minim kisenimb bap asap angningambim ak pen; minim Gor kiņiņ giy angak ak nep aspiyn. Penpen wasemb ay mey, Gor angip angip rek giningambim. Minim nuk angip ak mey, penpen wasemb ayiņg mindenjun.

Biynimb Gunap Minim Yesek Angņimbay

⁷⁻⁸Biynimb kuņaynep Jiysis Krays biyimb ay ma awak angiy, biynimb gok kuyip angņimbay. Kiyk Krays nup miluk niņiy, biynimb gok kuyip

minim yesek aṅgñinjun aṅgiy, kun giy apay. Pen nimb minim kuyip ak diy, Krays minim nup ak kirgem, nimbip direp giyn aṅgiy niṅimb rek, ma giniṅgamb.

⁹Biynimb Krays minim nup ak kirgiy, minim yesek gunap dipay gok, Gor nup chiṅgiy ma mindpay. Biynimb Krays nup minim niṅying nep mindpay gok, Gor apiymiṅay yip mindpay. ¹⁰Kun ak biynimb gunap, nimbip Gor minim aṅgñiniṅ apeniṅgiy, niṅrep giy kuyip dinimimb. Minim yipund giy ak kirgiy, minim yesek ak aṅgeniṅgiy, kuyip ma wasiw aṅg dinimimb. ¹¹Pen biynimb kun gok poṅind korip nimb amem, minim yesek kiyk aṅniṅgambay kun ak, nimb apim rek ayniṅgamb.

Minim Day Won Gunap

¹²Yand nimbip minim kuṅay mindip gok aṅgiy, ñiw kil tiknim ak pen, ak kirgiy; am nimbip niṅiy, miñmiñ giyiṅ minim nen aṅgñiniṅgayn.

¹³Biynimb Gor nup chiṅgiy mindpay akniy, “Nimb mindpim?” apay.